



Qeqqata Kommunia

# 2023-mut ukiumut pilersaarusiaq

Akuleriisillugu meeqqerivik  
Naja/Aleqa

Meeqqeriviup pisortaa: Martha Lyberth Jensen  
Tullersorti: Inger Dorthe Dahl Bech

Kaaliikassaap aqq. 37  
86 42 93  
e-mail: [najaaleqasisimiut@qeqqata.gl](mailto:najaaleqasisimiut@qeqqata.gl)



## IMARISAA

IMARISAA.....	2
Meeqqeriviit ukiumut pilersaarussiaannut piumasaqaatit.....	3
1. Perorsaaanermi ukiumoortumik pilersaarut: .....	4
1.1 Meeqqeriviup ilisaritinnera .....	4
1.2 Meeqqeriviup anguniagai naleqartitatullu tunngavii.....	5
1.3 Perorsaaanermi anguniakkat .....	6
1.4 Meeqqat pisariaqartitaat.....	6
1.5 Meeqqerivimmi kulturimut perorsaanermilu najoqqutassat .....	7
2. Ukiumoortumik pilersaarutaanikup nalilersorneqarnera .....	8
2.1 Meeqqat.....	8
2.2 Angajoqqaat/pisortat .....	9
2.3 Sulisut .....	9
3. Ukiumut nutaamut pilersaarutit.....	10
3.1 Meeqqanut ileqqunik sammisassanillu ukiumut pilersaarut.....	10
3.2 Angajoqqaanik suleqateqarneq .....	11
3.3 Sulisut suleqatigiinnerat.....	11
3.4 Ukiuni aggersuni suliniuteqarfissat .....	12



## **Meeqqeriviit ukiumut pilersaarusiaannut piunasaqaatit**

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq naapertorlugu meeqqeriviit ukiumoortumik pilersaarusiortarnissaat piunasaqaataavoq (takuuk §5, imm. 2,2). Ukiumut pilersaarusiamik suliaqarnissamut meeqqerivinni ataasiakkaani pisortat akisussaasuupput (takuuk § 16 imm. 2).

Ukiumoortumik pilersaarusiortnermi atuisut ataatsimoorfiat tassa, pilersuisut sulisullu peqataatinneqassapput (jf §21, stk 2,2).

Ukiumoortumik pilersaarusiamik meeqqeriviup anguniagai, taamatullu ukiumi nutaami meeqqanik nakkutiginninnerup, sammisaqartitsinerit pilersaarutillu naliliivigineqarneri ilaatigut saqqummiunneqassallutik.

**Ukiumoortumik pilersaarusiaq kingusinnerpaamik novembarip 30-ani Ilinniartitaanermut immikkoortortamut nassiunneqassaaq.**



## 1. Perorsaaanermi ukiumoortumik pilersaarut:

### 1.1 Meeqqeriviup ilisaritinnera

#### Paasissutissat nalinginnaasut

Akuleriisillugu meeqqerivik Naja/Aleqa

Kaaliikassaap aqq. 37, 3911 Sisimiut

Oqarasuaat 86 42 93, e-mail: [najaaleqasisimiut@qeqqata.gl](mailto:najaaleqasisimiut@qeqqata.gl)

Inissisimaffia: Illoqarfiup kujataatungaani Qiviarfiup Umiivitsiallu akornanni inissisimavoq.

Ammasarfii: Ataasinngornermiit tallimangornermut nal. 6:45 – 17:00.

Ullaakkut aggiussisarneq kingusinnerpaamik 9:00 pisarpoq. Peqquteqarluni kingusinaartitsiniaraanni kingusinnerpaamik nal. 9:00 pissaaq. Tamanna peqquteqarpoq meeqqat sammisaqartinniarlugit ilaatigut illup qimattariaqartarnera.

Oqaluttuassartaa: 1967-imi ningiut peqatigiit ataatsimiititaliorsimapput atserlugu "Komitéen af 31. maj 1967 til opførelse af en børnehave i Holsteinsborg". Ataatsimiititaliaq maajip 31-ani 1967 pilersinneqarsimavoq siunertaralugu meeqqeriviliornissamut aningaasanik katersisoqarnissaa, siulittaasoralugu Emilie Lennert, Henda Lennertip nulia.

1972-imi augustip 21-ani Børnehave "Aleqa" ammaanersiorneqarpoq meeqqanut 30-nut ininut marlunnut avillugit inissaqartumik.

Ukiut ingerlaneranni siunertarineqarsimavoq vuggestuemik ilalernerqarnissaa, suliaq uninngareersoq qinnuteqartoqareernerata kingorna, aningaasat katersorneqarsimasut bankimi uninngasuutigineqartut aningaaserisumit Henda Lennert-imit kommuneboghderimut tunniunneqarput, inunnillu isumaginnittoqarfiup aningaasaleeqataanerata kingorna vuggestue "Naja" sananeqarluni aallartippoq, 4. juni 1981- imilu atoqqaarfissiortinneqarluni. Kingorna illut marluk katunneqarput "Naja/Aleqa"- nnguutigisaanik.





## Inissaqartitsineq atortussallu

### 1.2 Meeqqueriviup anguniagai naleqartitatullu tunngavii

Naja/Aleqa meeqqanut 44-nut inissaateqarpoq, ininullu pingasunut agguarsimalluni:  
Pilutannguit: meeraaqqerivik ukioqanngitsuniik pingasunik ukiulinnut meeqqanut 12-nut inissaatilik.  
Oqarasuaat toqqaannartoq: 86 37 13.

Sulisut:

Perorsaanermik ilinniagalik – Jakobine Olsen.

Perorsaanermik ilinniagalik paarlatsi – Agnethe Kristiansen.

Ikiorti – Naalu Klausen.

Inneruulat: meeraaqqerivik ukioqanngitsuniik pingasunik ukiulinnut meeqqanut 12-nut inissaatilik.

Oqarasuaat toqqaannartoq: 86 37 14.

Sulisut:

Perorsaasoq – Anna Qvist Siegstad.

Paarlatsi perorsaanermik ilinniagalik – Arnajaraq Olsen.

Ikiorti – Sara Lange Larsen.

Appat: meeqqerivik pingasuniit ukiulinniit atualertussanut meeqqanut 20-nut inissaatilik.

Oqarasuaat toqqaannartoq: 86 37 11.

Sulisut:

Perorsaasoq – Inger Dorthe Dahl Bech.

Ikiorti – Benedikte Petrussen.

Paarlatsi – Anna-Line Eliassen

Vikarkorps – Gunna Vera Semsen

Eqqiaasoq igaffimmiorlu – Paarnannguaq Rønning.

Sulinermik piginnaaninngorsartoq – Inalúnguak 'Ódâk'.

Akuleriisillugu meeqqerivik "Naja/Aleqa"-p siullertut meeqqanik perorsaanikkut tunaartatut aallaavigisaraa Psykolog Abraham Marslow-ip tunngaviumik pyramidelliaa.

Tassani meeqqap ineriartornermini toqqammavittut pisariaqartitaanik tuniorarneqarnissaa anguniarneqarpoq. Imatut paasillugu meeraq toqqissisimanermik timikkut isumassorneqarnikkut pisariaqartitamini tuniorarneqassaaq, peqateqassaaq, taakkulu pisariaqartitani pereersimagunigit nammineerluni piviusunngortitsisinnaanera anguneqarsinnaammat.

Aappaattut Psykolog Lev Vygotskyp isumalersuutaa, meeraq misilittaanermitigut ilikkartarnera kaammattussallugu ugguunatigut:

Meeraq akueralugu, meeraq pilersitseqatigalugu kajumissusaanillu kaammattussallugu inerisassallugu. Meeraq siunissami nammineersinnaalernissaanut inerisarneqassaaq imminut tatigisunngortillugu oqaasinnguisinnaanngortillugulu.

Qeqqata kommuniani ataatsimoorullugu anguniarneqartoq innuttaasut peqqinnerusumik inuuneqarnissaat peqataaffigaarput. Meeqqat timiminnik atulluarnissaat pingaartitaraarput, silallu pissusaa

apeqqutaatinngikkaluarlugu silaannarissartarneq ingerlanneqartarluni. Ukiuunerani pingasunngornikkut timersortarfimmi timimik aalatitsinissamut periarfissaliussa

atorluarneqartarpoq meeqqanik nuannarineqarlumik aasaaneranilu silami arsaattarfik.

Naleqartitat:

Naja/Aleqami pingaartipparput illup iseruminartuunissaa, atuisut tikilluaqusaasutut misiginissaat, taamaasillutik angajoqqaat toqqissillutik meeqqatik meeqqerivimmi sulisunut qimassinnaaniassammatigut.

Meeraq meeqqerivimmiinnermini toqqissisimasumik, qanilaarfingineqarluni akuersaarneqarluni isumassorneqassaaq inerisarneqassallunilu.





Meeraq ullormi meeqqerivimmiinnermini pissarsiaqarsimalluni misiginissaa anguniagaraarput. Meeraq aallaavigalugu tunngaviusumik pisariaqartitai tunniunneqartassapput. Angajoqqaallu qanimut suleqatigiinnissaq pingaartipparput, arlaatigullu ilutsinni aaqitassaqartillugu, imaluunniit meeqqap pissusaanut ineriartorneranulluunniit tunngasumik ippigisaqartilluta piaartumik iliuuseqartoqartarnissaa anguniartarlugu. Ataatsimoorneq ullut tamaasa meeqqanut misigitinneqartarpoq, iloqqasunngornermi, sammisaqatigiinnermi pinnguaqatigiinnermilu. Ullaakkut aggiussinerup nalaani ataatsimoorinnaasarput. Meeraq mikinerniikkaluaruni anginerniikkaluaruniluunniit sulisut inimi allamiittut ilisarimalertarpei, taamaalilluni inimi sulisut nikeriataassatillugit meeqqanut ajornannginnerusinnaasarluni.

### 1.3 Perorsaanermi anguniakkat

Meeqqap ineriartornermini killiffia aallaavigalugu inerisaaneq ingerlanneqartarpoq. Meeraq isernerminiit atualilerluni aninissami tungaanut inerisarneqassaaq. Atuarfimmuut ikaarsaannginnermi meeqqap oqarsinnaassuseqarlunilu imminut tatigisunngornissaa anguniagaraarput. Inuit tamarmik sapaatip akunneranut perorsaanikkut anguniagassanik sammisaqartitsinissamut pilersaarusiortarput. Sammisassat pussugissarnermut, timimik atuinermut, ikioqatigiinnermut, atisaajarneq/atisalorsorneq imaluunniit eqqarsalersitsinermut tunngasinnaapput. Taakku saniatigut atuisut peqatigalugit pilersaarusiorneq ingerlanneqartarpoq. Sapaatip akunnerani pisartut aaliangersimasut tassaasarput ataasinngornikkut ullaap tungaani illu ammasoq. Marlunngornikkut pinngussanik nassarfik. Erseqqissaatigissavarput pinngussat aserussagaluarpata meeqqeriviup akisussaaffiginngimmagit aammalu pinngussat batteritortut nipituumillu nipiliortartut nassarneqarnissaat kissaatiginnginnatsigu. Pingasunngornikkut periarfissaavoq timersortarfimmuut meeqqat eqaarsaariarsinnaanerit. Tamanna sulisunik ajornaartuunnginnermi atorluarneqartarpoq meeqqat nuannarilluagaannik. Aasaanerani arsaattarfik atorluarneqartarpoq. Tallimanngornerup ullaap tungaani meeqqat mikinerniittut sisamat angisuunut pulaartarput meeqqallu anginerniittut sisamat mikinerni pulaartarlutik. Ullaap tungaani nerineq 10:30 aallartittarpoq, ualikkullu 13:30 nereqqittarlutik. Ullaap tungaani nerereernerup kingorna meeqqat sinittartut qasuersaartinneqartarput. Meeraqqat ullormut arlaleriarlutik sinittartut pisariaqartitaa aallaavigalugu sinitsinneqartarput. Pingaartipparput anguniassallugu meeraq meeraqqerivimmiit meeqqerivimmuut nuunnginnerani nammineerluni nerisassaminik isumaginnissinnaanngornissaa anguniassallugu, soorlu nerisassanik agguineq taniinerluunniit.

### 1.4 Meeqqat pisariaqartitaa

Qaammatit tamaasa meeqqat ataasiakkaarlugit ineriartornermini misigissutsikkut pissusilersornikkullu killiffissiorneqartarput, Isumaalunermi uuttuut aallaavigalugu. Pisariaqartillugu alaatsinaannermi immersuivik atorlugu suliaq ingerlanneqalertarpoq. Meeqqanut ataasiakkaanut allattuiviit atorneqarsinnaapput, assersuutigalugu meeraq oqaasinnguiniarnermigut ajornartorsiuteqarpat angajoqqaat angerlarsimaffimmi pisimasut allattaavimmuut allassavai, meeqqerivimmilu pisimasut sulisut allallugit, taamaasilluni meeraq paasineqarluni pisimasunik oqaloqatigineqarsinnaalissamat. Meeraq inerikkiartornermigut ikkarnaateqarpat ineriartornermut misissuut Udviklingsbeskrivelse atorlugu angajoqqaat peqatigalugit immersuineq ingerlanneqartarpoq. Angajoqqaat namminneerlutik iliuuseqarlutik aaqqiisinnaasarput, aammali pisariaqartillugu meeqqap pissusai allattorneqartarput pisariaqartitaa aallaavigalugu angajoqqaat peqatigalugit suliaq ingerlanneqalertarpoq. Sulisut angajoqqaallu meeqqap pisariaqartitaa namminneerlutik aqutissiorsinnaanngikkunikkut perorsaanermik siunnersorti, MISI, atugarissaarnermut immikkoortortaqarfik imaluunniit peqqinnissaqarfik peqatigineqarlertarput angajoqqaat akuersillutik atsiorsimagaangata. Ineriartornermut misissuut aallaavigalugu meeqqap tapersersugassaaanera meeqqeriviup kisimiilluni



*kivissinnaangippagu tapersersorteqarnissaa qinnutigineqartarpoq, tamannalu atugarissaarnermut immikkoortortaqarfik peqatigalugu suliaq ingerlanneqalertarpoq. Taamaattoqartillugu inerisaanissamut pilersaarussiaq allallugu suliarineqartarpoq taannalu aallaavigalugu meeqqap tapersersorneqarnera ingerlanneqartarluni.*

*Meeqqat inuttut ataasiakkaatut ukiumut marloriarlugit angajoqqaat peqatigalugit ineriartornerat killiffissiorneqartarput. Tassuunatigut meeqqat ataasiakkaarlugit qimerloorneqartarput sukkullu inerisagassaanersut takuneqartarlutik. Meeqquerivimmiit aninnginnerminni oqaloqatiginnineq kingullermi meeqqat peqataasinneqartarput, atuarfimmi angusakkarnissaminnut sungiusaatigalugu. Atualertussannguleraangata ukiaanerani atualernissaminnut qanoq piareeqqatiginerat misissuummik, SPU-testimik misilinneqartarput. Meeqqap angusiffissap killiffia qaangersimannikkaangagu angajoqqaatut oqartussaasut suleqatigalugit meeraq inerisaqqinneqartarpoq, allatsinnginneranilu misiliisinneqaqqittarluni.*

*Pingaartipparput siusissumik iliuuseqartarnissaa meeqqallu atualinnginnerani iliuuserisinnaasagut anguniartarlutigit, meeraq toqqissisimanartumik atuarfimmu appakaatsinnissaa siunertaralugu. Angajoqqaat tapersersortariallit meeqqanut perorsaanerminnut nalornissuteqartut pisariaqartitaat aallaavigalugu siunnersorneqartarput. Perorsaanermit siunnersorti peqatigineqarsinnaasarpog, meerarlu ataavartumik meeqquerivimmiittanngippat paasiniaavigineqarsinnaasarpog meeraq qanoq inissisimanersoq. Annertuumik tapersersugassaatillugit atugarissaarnermut immikkoortortaqarfimmi sullissisut ilanngunneqartarput, taakkuusarpullu pisariaqartitaat aallaavigalugu aqutissiuisartut.*

## 1.5 Meeqquerivimmi kulturimut perorsaaneramilu najoqqutassat

### Meeqqueriviup kultura ilisarnaataalu

*Meeqqueriviup kulturervaa kalaallit ileqqunik tammatsaaliuineq. Ukiumut pilersaarusiormi ilaatinneqartuaannartut tassaapput mitaarfik, sisoraarfissiorneq, ullukinnersiorneq, ukiup nikiffii aallaavigalugit piniarneqartartut sammissallugit, pinngortitap pissarititaanik aammalu silamik atorluaaneq.*

*Meeraq qassinik ukioqaraluaruniluunniit pisariaqartitani aallaavigalugu qasuersartinneqartarsinnaanera pingaartitatta ilagivaat.*

*Meeqquerivitta illutaata anginnginnera ilisarnaatigivarput, sulisut qanimut suleqatigiippugut, ikioqatigiissinnaalluta avitseqatigiissinnaallutalu.*

*Ullaakkut meeqqanukaassinermi atuisunik qanimut tikilluaqqusineq ileqqoraarput, taamatuttaaq ualikkut aallernermit ullormut meeqqat qanoq issimaneramik nassuiaaneq ileqqoralutigu.*

*Ukiumut perorsaanikkut anguniagassani pingaartittarparput ukiup nikiffii aallaavigalugit piniarneqartartut imaluunniit silap pissusaa ilanngullugu sammisaqartitsinissaa. Nunatta silaa peqqarniissinnaasartoq aamma meeqqat namminneerlutik misigisassaannut ilikkagassaannullu ilaasussaammatt sila apeqqutaatinnagu silaannarissartarnissaa anguniakkatsinnut ilaavoq.*

*Kalaallit ileqqi pingaartitatsinnut ilaalluinnartut ilagaat kunngit pingasut ulluanni mitaartarneq, sisoqqaffimmi sisoqqanneq, piniagassat ukiup nikiffii aallaavigalugit sammisaqartitsineq ullukinnersiornerlu meeqqanut ingerlateqqissallugit. Taamaattumik ukiumut perorsaanikkut anguniagassatsinni ilaajuartarnissaat anguniartarparput.*

### Perorsaanikkut najoqqutassat / malittarisassat

*Inatsit malillugu pisussaaffigaarput Tunngaviit arfineq marluk aallaavigalugit meeqqanik sullissineq ingerlattussaallugu. Periuseq ulluinnarni sammisaqartitsinermi atorneqartarpoq, periarfissaqartoqartillugulu takussutissanngorlugit tutsinneqartarlutik.*

*Taassuma saniatigut Kammagiitta ingerlanneqartarpoq, taamaasilluni meeraq killiliinissaminik, ataqqinninnissamik aammalu peqateqarsinnaanermi ilinniartinneqartarluni.*

*Angajoqqaat nammineq akisussaaffigaat meeqqaminnik aggiussinermi aallernerminnilu atisaajaanissaa atisalersuinissarlu meeqqallu nangia taarsertariaqassappat taarsernissaa.*

*Meeraq nerereerluni erminneqarsimallunilu aggiunneqarnissaa angajoqqaajusut akisussaaffigaat. Angajoqqaat pisussaaffigaat namminneerlutik aallersinnaanngikkunik sulisut nalunaarfigissallugit kiap meerartik aassaneraa paatsooqatigiinnginnissaa pinngitsoortinniarlugu, aallertussarlu 12-nik ukioqalereersimassaaq. Nalunaaqutaq 16:45 meeraq aaneqarsimannngippat nalunaartoqaranilu*



sulisut angajoqqaanut sianertarput paasiniaallutik kiap meeraq aalerneraa. Attavissaasut pissarsiarineqanngippata meearlu 17:15 aaneqanngippat pisussaaffigaarput atugarissaarnermik immikkoortotaqarfimmi pigaartumut, tassa socialvagtimum nalunaartussaatailluta. Meeraq isertussanngoraangat angajoqqaat attaveqartarput qaqugukkut pulaarunneqassanersoq isumaqatigiissuteqarlutik. Meeqqat ilai sivikinnerusumik sungiusartarput ilaallu sivisunersumik, taamaammatt pingaaruteqarpoq meeraq toqqissilluni meeqqerivimmu isissappat siusinaartumik pulaarussinerup aallartinnissaa. Nappaatinut tuniluuttunut tunngasut maleruagassat Qeqqata kommuniata Peqqinnissaqarfik peqatigalugu suliarinikuusaat malippagut. Meeraq piffissap aaliangersimasup iluani nakorsaaitortariaqassappat angajoqqaat nakorsaasiinissaq akisussaaffigaat. Meearli pinngitsoorsinnaanngisaminik nakorsaaitortinneqartarpat nakorsap ilitersuussutaa malillugu sulisut nakorsaaitortitsisinnaatitaapput. Atisassamaatit nangissamaatillu angajoqqaanit isumagineqartarput, aallernermilu pissamaatit misissorneqartarnissaat innersuussutigaarput. Meeqqeriviit tamarmik Qeqqata kommuniani iPad-inik tunineqarnikuupput. Meeqqanut ukiukitsunut naleqqussakkanik ilinniutinillu imaqartinneqarput.

## 2. Ukiumoortumik pilersaarutaanikup nalilersorneqarnera

Ukiumut pilersarusiaq covid-19 pequtigalugu sulisut kisimik suliarinikuusaat aallaavigalugu januarimi kunngit pingasut ullanni mitaartoqarpoq. Februarimi meeqqat anginerit festertinneqarput nuannarilluagaannik qaammatillu naalernerani anaalerutsinnagit sisoqqatsitsisoqarluni. Martsimi aaveq sammineqarpoq, naak sikuunera pequtaalluni aaffattoqanngikkaluartoq. Qimmit qimussillu angineri qiortarneqarlutillu sammineqarput. Aprilimi paskap isumaa sammineqarpoq paskemullu pikisoqarluni. Maajimi peqqinneq ammassaallu aallunneqarput. Meeqqat anginerit ammassannik, nerlernik naajarluillu manniinik sammisaqarlutillu qiortaapput. Juunimi silami uumasuaqqanik/sullunernik katersiffiuvoq meeqqat nuannarilluinnagaannik. Saniatigut natorallit aammalu eqaluit sammineqarput qiortarneqarlutillu. Juulimi augustimilu nunatarneq aallunneqarpoq. Aasaq manna siallingaatsiaraluartoq nunatarneq susaarfunngilaq. Angineri ningittakkersorneq sammineqarpoq qiortaasoqarlunilu. Septemberimi aavartarneq sammineqarpoq, tuttu umimmaallu qiortarneqarput eqqartorneqarlutillu. Oktoberimi aput silalu sammineqarput silap allanngoraqattaarnera atorluarneqarluni. Novemberimi appat mitillu sammineqarput qiortarneqarlutillu. Juullimut pikineq aallartippoq. Decemberimi juullimut pikineq ingerlanneqassaaq. Ataatsimut isugalugu ukiormanna sammisat iluatsilluarput meeqqallu soqutiginnillutik sammisanut peqataalluarterlutik.

### 2.1 Meeqqat

Qaammatit tamaasa Isumaalunnermi uuttuut aallaavigalugu meeqqat inissisimaffii nalilersorneqartarput perorsaanermullu siunnersortimum ingerlateqqinneqartarlutik. Taamatut nalilersuisarneq siunertaqarpoq meeqqat isumaalunnartumut pitinnaveersaarnissaannut. Uuttuut killiffinnut tallimanut agguarneqarsimasooq aallaavigineqartarpoq qalipaatinullu pingasunut agguarneqarsimasuulluni. Killiffiit marluk suilliit qorsummik qalipaaserneqarsimapput, tassani angajoqqaat namminneerlutik iliuseqarsinnaapput sulisut peqatigalugit. Killiffiup pingajua sungaartumik qalipaateqarpoq, tassani angajoqqaat suleqatigigaluarlugit meeqqap killiffia allanngunngippat illup avataaniik suleqateqarneq aallartissinnaasarpoq angajoqqaat akuersinerisigut. Killiffiup sisamaa tallimaalu aappaluttumik qalipaaserneqarsimavoq, meearlu tassunga killikkaangat ingerlaannartumik suliamik aallartitsisoqartarpoq, pisunilu annertuuni angajoqqaat/meeqqamut oqartussaasut utaqqinngikkaluarlugit nalunaartussaaneq ingerlanneqartarluni.





Taamatut killiffissiuinerup iluaqutitarivaa meeqqat ataasiakkaarlugit sulisunit maluginiarneqartarmata, taamaalilluta arajutsisuugaqarnissarput pinaveersaartinneqartarluni. Piffeqartarpoq meeqqat killiffii qorsummiit sungaartumut pisinnaasarlutik, taamaattoqartillugu aappaluttumut pisoqannginnissaa anguniarlugu iliuuseqartoqartarpoq. Meeraatigut amerlanerpaartaat qorsummi inissisimasuupput, taakkualu aamma sungaartumut pinnginnissaat anguniarneqartarpoq.

Meeqqat takkuttarneri procentinngorlugit qaammatikkaartumik imannak isikkoqarput:  
Januar - 54,8 %, Februar - 61,8 %, Marts - 75,5 %, April - 71,8 %, Maj - 72 %, Juni - 62 %, Juli - 42,5 %, August - 64,4 %, September - 74,6 %, Oktober - 67,9 %, November - 61,2 %.

## 2.2 Angajoqqaat/pisortat

Ukioq una atuisunik katersortitsineq siulleq pivoq martsimi. Nereqatigiinnermik aallarniuteqartoqarpoq kingornalu ininut agguataarlutik inini sulisuniit angajoqqaat ulluinnarni ingerlariaatsinik anguniakkanillu saqqummiivigineqarput oqallinnertalimmik.

Augustimi saqqummersitsineri takkuttoqarpiannnginnera uggornaraluartoq suliat saqqummiussat naammagisimaarneqarput.

Novemberimi ukiup tullissaanut pilersaarusiornissaq nereqatigiinnermik aallarnerneqarpoq. Atuisut amerlasuut takkunnerat nuannerpoq ukiumullu tullinnguuttumut pilersaarusiornermi oqallittoqarluarlunilu isumassarsiorfigilluarneqarpoq. Angajoqqaat suleqataarusunnertik ataatsimoornerorusunnertillu taakkartorpaat nunatsinnilu piniagassat uumasulluunniit sammineranni tigussaasunik takussutissanik amigaateqarnermi ikiuukkusullutik nalunaarput.

## 2.3 Sulisut

Ukiumut kingullermut eqikkaaneq, uku siunertaralugit:

Qaammatit tamaasa sulisut ammaffiup avataatigut naapeqatigiittarput, qaammat allortarlugu sulisut ataatsimiittarput, taamatullu perorsaanelerineq ukiumut sisamariarluni ingerlanneqartarluni. Sulisut ataatsimiinneranni ulluinnarni suleriaatsinik eqqartuineq ingerlanneqartarpoq, suut iluatsinnersut suullu aqqitassaanersut. Perorsaanelerineri meeqqanut tunngasut eqqartorneqartarput, sullitatta killiffii, qanoq ikorfartortariallit ikiorneqarsinnaaneri, perorsaariaatsinut iliuuserisinnaasat allallu.

Taakku saniatigut ukiumut marloria personaleweekend ingerlanneqarput, sulisut suut killiffiminni pisariaqartitaat aallaavigalugit arfininngornermi akunnerit tallimat atorlugit ingerlanneqartunik.

Ukioq manna maajimi meeqqap mappiata nutarternikuunera saqqummiunneqarpoq oqallinnertalimmik. Taanna pereermat inikkaarluni inimi suliniutit allallu eqqartortariaqakkat eqqartorneqarput.

Ukioq mannaluk pikissutitta annerpaartarivaat ukiunik 50-inngortorsiornissaq nalliussinerlu pivoq augustip 22-ani. Assitoqqanik isiginnaariarusuttut kaffisoriartuutigalutik isersimaarput.

Nalliuttorsiorneq puigunaatsumik nuannersumillu ingerlanneqarpoq.

Ilinniarsimasunik sulisunik amigaateqarnermi taartunik aaliangersimasunik atuivugut qujanartumillu perorsaasumik ataatsimik ukioq manna atorfinitsitsilluta.

Sulisut peqqissuunissaat siunertaralugu piffissaqaraangatta pausernermi pisuttuarneq ingerlanneqartarpoq.

### 3. Ukiumut nutaamut pilersaarutit

#### 3.1 Meeqqanut ileqqunik sammisassanillu ukiumut pilersaarut

Januar	Februar	Marts	April	Maj	Juni
6. januar <i>Mitaarfik</i> .  28. januar <i>Appakkut festessapput</i>	18. februar Sisoqqanneq.	Qaammammi sammisaq: Kalaallit qimmiat. 25. marts angajoqqaat aaqqissugaannik sisoraariaqatigiinneq – Tupaarnaq K & Mette	Qaammammi sammisaq: Naja/Aleqa Winther Games	Qaammammi sammisat: Maajimi peqqissuusa.	Qaammammi sammisaq: Katersugaasivik. 1. juni Meeqqat ulluat nalliussillugu.

Juli	August	September	Oktober	November	December
Qaammammi sammisaq: Nunatarneq.	Qaammammi sammisaq: Aavarfik & Paarnat  Qaammatip ingerlanerani atuisullu nunaliaqatigiinneq ingerlanneqassaaq.	Qaammammi sammisaq: Aavarfik & Paarnat.	Qaammammi sammisaq: Mexico.	Qaammammi sammisaq: Maluginiutit.	Qaammammi sammisaq: Juullimut pikineq. 9. dec: Juullerpalaartitsineq. 13. dec: Santa Luciarneq. 21. december: Ullukinnersiorneq. 28. december: Orpiliarneq.

Sapaatip akunneranut pisartut	Qaammammut pisartut	Qaammatit pingasukkaarlugit pisartut
<ul style="list-style-type: none"> <li>Ataasinngornikkut illu ammasoq.</li> <li>Marlunngornikkut pinngussanik nassarfik.</li> <li>Pingasunngornikkut timersortarfiliarneq / arsaattarfiliarfik.</li> <li>Tallimannorneq meeqqat ininut allanut pulaarnerat.</li> </ul>	<ul style="list-style-type: none"> <li>Init tamarmik Tungaviit 7 ilikkalertorfiusut pilersaaruserfigalugillu sammisaqartitsinerit ingerlattassavaat.</li> </ul>	<ul style="list-style-type: none"> <li>Ualikkut kaffe/te-mik aallerfiup nalaani sassaallineq.</li> </ul>



### 3.2 Angajoqqaanik suleqateqarneq

Meeqqap meeqqerivimmuut iserneraniit angajoqqaallu qanimut suleqatigiinnissaq anguniagaraarput. Meeqqap toqqissilluni isernissaa pingaartippaarput, taamaattumik aallaqqaataaniilli suleqatigiilluarnissaaq pingaaruteqarpoq.

Meeraaqqap meeqqerivimmiilertinnani siusinaartumik sungiusarluni pulaartarnissaa pingaaruteqarpoq, angajoqqaap suliar tunnginnermini meeraq toqqissiluni meeqqaniittalernissaa qulakkeerniarlugu.

Naatsorsuutigaarput arlaatigut anngussassaartoqartillugu orninneqarluta eqqartueqatigineqarumaarluta, taamaalilluta aaqqitassaqarutta iliuuseqapallassinnaaniassagatta. Akaareqatigiissumik suleqatigiinnissaq naatsorsuutigaarput.

Ukiumut marloria meeqqap killiffissiornerani angajoqqaat piffissaliinerat salliuttarparput, ajornanngippalli ullaap tungaani pisarnissaa kissaatigalutigu. Angajoqqaalli piffissaliiumaataaraangata uagut piffissaliisnaasarpugut inatsisit malillugit killiffissiuinerit ingerlanneqartussaammata.

Naatsorsuutigaarput meeraq peqqinngitsillugu angajoqqaat paasinnillutik iliuuseqartarnissaat, malittarisassat malillugit meeqqat peqqissut kisiisa paaqqutarisinnaagatsigit.

Ullaakkut aggiussinermi meeqqat angajoqqaallu tikilluaqusaallutik misigitinneqassapput, taamatuttaaq angajoqqaat sulisunut ammasumik kiinnernissaat naatsersuutigaarput, taamaalilluni meeqqap toqqissimasumik ulloq aallartissammagu.

Arlaatigut meeraq annertuumik annersimappat imaluunniit sakkortusaarsimappat angajoqqaat paasitinneqartarput. Nalornisaqartilluta pinartoqartilluguluunniit oqarasuaatikkut angajoqqaat attavigisarpagut. Meeqqat immikkut pisariaqartitsisut angajoqqaavi isumaqatigiissutigineqartarput qanoq attaveqaatit ingerlanneqassanersut.

Ukiumut marloriarluta atuisunik katersortitsineq ingerlattarparput, tassani perorsaanermik tunngassutilinnik imaluunniit suleriaatsitsinnik saqqummiivigineqartarput. Ukiakkut ukiup tullissaanut meeqqanut sammisaqartitsinissamut pilersaarusoqatigiinneq ingerlanneqartarpoq.

Taakku saniatigut assigiinngitsunik aaqqissuussani angajoqqaat peqataatinneqartarput, soorlu meeqqat suliaannik saqqummersitsinerit, juullimut qiortaaqatigiinnerit assigisaallu.

Atorfinitsitiniarnermi angajoqqaanik aallartitaqartoqartarpoq atorfinitsitassamik aaliangeeqataasussamik. Piffiit ilaanni angajoqqaat sinniisaannik pilersitsisoqartarpoq, taakkuppullu sammisassat avataatigut angajoqqaatiminnut aaqqissuisartussat.

Angajoqqaat namminneerlutik allatigut aaqqissuillutik sammisaqartitsiniarunik meeqqerivik isumaqatigiissuteqarfigalugu atorsinnaavaat.

### 3.3 Sulisut suleqatigiinnerat

Qaammatit tamaasa, aasaanerani ferierfiup nalaa minillugu, ataatsimiinnerit ingerlanneqartarput. Sulisut ataatsimiinneranni sulinermut tunngasut eqqartorneqartarput, perorsaanelinerinermilu meeqqanut tunngasut eqqartorneqartarlutik.

Sulisut pisariaqartitsineri aallaavigalugit pikkorissaanerit ingerlanneqartarput.

Suleqatigiinneq nuannersoq eqeersimaartorlu anguniagaraarput. Inini sulisut qanimut imminnut oqaloqatigiittarput sulineq nukittorsarniarlugu. Sapinngisamik ataasinngornerit tamaasa init tulleriiaarlutik sulisut naapeqatigiittarput marlungornikkullu pisortap inini aqutsisut naapeqatigisarlugit.

Ukiumut ataasiarluta sulisut ineriartortinneqarnissaanut immersuineq oqaloqatigiinnerlu ingerlanneqartarpoq. Taassuma saniatigut ukiumi nutaami qaammatit pingasukkaarlugit sulisut sulinermut killiffiat pillugu oqaloqatigiittarnissat pilersaarutigineqarput, suleqatigiinnerup nukittorsarnissaa anguniarlugu.



### 3.4 Ukiuni aggersuni suliniuteqarfissat

*Kalaallit ileqqugut piorsarsimassusermillu meeqqat paasisaqarnerunissaat anguniarlugu sammisaqartitsinerit ingerlanneqassapput.*  
*Meeqqat killiffii aallaavigalugit inerisaanerit ingerlanneqassapput atualernissaannut piareersarneqarlutik.*  
*Tunngaviit arfineq marluk ilikkalertorfusut aallaavigalugit qaammammut sammisaqartitsinerit ingerlanneqassapput.*  
*Atuisunik qanimut suleqateqarneq, pisariaqartillugu avataaniit suleqateqarneq sulisullu suleqatigiinnerat nukittoq anguniarneqassaaq.*  
*Sulisut pisariaqartitaat neqeroorutigineqartullu aallaavigalugit pikkorissaanerit ineriartortitseqinnerillu ingerlanneqassapput.*